

明代傳記叢刊・名人類⑦
周駿富輯

國朝列卿紀
(四)

(明)雷禮纂輯

明文書局印行

國朝列卿紀卷之四十二

柱國少傅兼太子太傅工部尚書豐城雷

禮纂輯

提督應安等府學校監察御史同邑徐

鑒校梓

南京禮部尚書年表

蔚綬

直隸合肥人洪武中國子生永樂十九年以右侍郎掌部事洪熙元年任宣德四年致仕卒於家

張瑛

北直邢臺人鄉舉宣德元年由禮部尚書兼華蓋殿大學士調任正統元年卒於家

王英

江西金谿人進士正統十三年任景泰元年卒於官謚文安

儀銘

山東高密人官生景泰元年任

張惠

山東德州人永樂中監生景泰三年任天順元年致仕

蕭暉

江西泰和縣人宣德丁未進士天順四年任

鄒幹

浙江餘姚人進士
成化五年任

倪謙

應天上元人正統己未進士
成化十二年任
十三年致仕卒贈太子少保謚文僖

李本

四川富順人進士
成化二十年任
二十二年被劾閑住

耿裕

河南盧氏人進士
成化二十年任

黎淳

湖廣華容人狀元弘治元年
任四年致仕卒於家謚文僖

劉璋

福建南平人進士
弘治四年任

童軒

江西鄱陽人南京欽天監籍進士弘
治七年任十年致仕卒贈太子少保

謝綬

江西樂安人進士弘治十年任
十五年卒於官贈太子少保

王宗彝

北直東鹿人進士弘治十
五年任正德元年致仕

劉忠

河南陳留人進士
正德二年任

江 瀾 浙江仁和人進士正德三年任四

張 潔 廣西平南人進士正德四年任

孫 需 江西德興人進士正德四年任

張 憲 江西德興人進士正德四年任

朱 恩 南直華亭人進士正德五年任本年致仕

柴 昇 河南內鄉人進士正德五年任

喬 宇 山西樂平人進士正德六年任

李 遜 學 河南上蔡人進士正德十年任

吳 儼 直隸宜興人進士正德十一年任

邵 寶 直隸無錫人進士正德十四年起本部尚書以終養辭

十六年再起本部尚書未任卒贈太子少保謚文莊

章

懋

浙江蘭谿人會元正德十六年起本部尚書未任致仕卒於家贈太子少保謚文懿

楊

廉

江西豐城人進士嘉靖元年任本年致仕卒贈太子少保謚文恪

秦

金

南直無錫人弘治癸丑進士嘉靖二年任本年遷戶部尚書

顏順壽

湖廣巴陵人弘治庚戌進士嘉靖二年任

沈冬魁

直隸阜城人弘治庚戌進士嘉靖二年任六年致仕

顧

清

直隸華亭人弘治癸丑進士嘉靖七年由禮部侍郎乞休起南京禮部侍郎晉本部尚書致仕卒途謚文僖

劉

龍

山西襄垣人弘治己未進士嘉靖七年任

嚴

嵩

江西分宜人弘治乙丑進士嘉靖十一年任

湛若水

廣東增城人弘治乙丑進士嘉靖十二年任

霍

韜

廣東南海人正德甲戌進士嘉靖十五年任

熊

浹

江西南昌人正德甲戌進士嘉靖十八年任

張

壁

湖廣石首人正德辛未進士嘉靖十九年任

閔

楷

直隸任丘人弘治乙丑進士嘉靖二十四年任

王

學夔

江西安福人正德甲戌進士嘉靖二十四年任

萬

鏜

江西進賢人弘治乙丑進士嘉靖二十八年任

王

崇慶

直隸開州人正德戊辰進士嘉靖三十四年任
三十四年改南京吏部尚書致仕

葛

守禮

山東德平人嘉靖己丑進士三十四年任
三十五年致仕

閔

如霖

浙江烏程人嘉靖壬辰進士三十五年任
三十六年致仕

孫

陞

浙江餘姚人嘉靖乙未進士三十六年任
三十九年卒於官

李

璣

江西豐城人嘉靖乙未進士三十九年任
四十二年致仕

尹臺 江西永新人嘉靖乙未進士四十二年仕

王廷 四川南充人嘉靖壬辰進士四十五年推未任改左都

毛愷 浙江江山人嘉靖乙未進士四十五年推未任改南吏部

林庭機 福建閩縣人嘉靖乙未進士隆慶元年任本年致仕

吳嶽 山東汶上人嘉靖壬辰進士隆慶元年任

趙貞吉 詳內閣隆慶元年任二年改掌詹事府

裴宇 山西澤州人嘉靖辛丑進士隆慶二年任三年丁憂

吳山 江西高安人嘉靖乙未進士隆慶三年起未任准致仕

潘晟 浙江新昌人嘉靖辛丑進士隆慶四年起未任改北

秦鳴雷 浙江臨海人嘉靖甲辰狀元隆慶五年任

林 燦

福建龍溪人庭機之子嘉靖丁未進士萬曆二年任

翁大立

浙江餘姚人嘉靖戊戌進士萬曆四年任改兵部

陶承學

浙江會稽人嘉靖丁未進士萬曆五年任

劉斯潔

順天昌平人嘉靖丁未進士萬曆九年任

林士章

福建漳浦人嘉靖己未進士萬曆九年未上致仕

楊 成

直隸無錫人嘉靖丙辰進士萬曆十一年任

表洪愈

直隸吳縣人嘉靖丁未進士萬曆十二年任

姜 寶

直隸丹陽人嘉靖癸丑進士萬曆十五年任

王弘誨

廣東安宜人隆慶戊辰進士萬曆十七年任

035-010

南京禮部尚書行實

蔚綬字直隸廬州府合肥縣人秉心淳實履行端方洪武中由監生授戶部度支主事大誥謂其故推闡葺不事事欺侮歷員外郎精核出納下人不得緣以爲奸革除中陞山西右叅議再著賢聲永樂六年陞戶部右侍郎本年改禮部右侍郎時尚書呂震恃才自用又深刻難測小心謹畏震亦雅重之屢知貢舉及充廷試提調官關防嚴密類多得人十九年定鼎北京震改北部綬掌部事二十二年四月綬奏四川雲南官民生騷進等六十一人例當給賜夏衣其琉球官生周魯美等尚猶未行宜一體給賜自後遞年冬夏衣皆本部行文南京工部成造

依時給賜不待奏請著爲令馳奏以聞 上從之至洪熙元年
陞禮部尚書宣德四年致仕後卒於官賜祭葬

張瑛字子玉直隸順德府邢臺縣人自幼及長豐偉凝峻識者
奇之初補弟子員於鄉校克勤問學日有進益同輩咸推讓之
甫弱冠卽以明經領丙子鄉薦授陝西寧州學訓導調武德衛
學訓導武臣子弟再調淮安之宿遷縣學所至嚴教條責效生
徒多成才者永樂六年秩滿陞吏科給事中稽考銓選封駁章
奏克舉其職十一年冊立 宣宗爲皇太孫時 成祖遴選文
儒侍從講學瑛與選二十二年 仁宗登大寶 宣宗正位東
宮詔陞左春坊左中允又陞左諭德改洗馬洪熙元年 宣宗

卽位首錄舊勞陞行在禮部右侍郎宣德改元之三月陞本部
左侍郎兼華蓋殿大學士入閣知制誥明年陞尚書兼職如故
修成祖 仁宗兩朝實祿爲總裁官五年于外議命蒞南京
禮部七年十月瑛上言天下儒學廩膳生員計三萬有奇歲食
廩米不下數萬石 朝廷養士之隆自古鮮儷洪熙定制舉額
人數應天歲取八十人宣德以來稍加增益凡諸省皆然臣愚
以爲人才與氣運相爲消長不可預爲額數才寡而數盈其失
也濫才多而數少其失也隘矧今各府州縣教官多員缺學政
廢弛士習多未正請自今副榜中式悉補教官其鄉試額數量
爲加補疏入下之所司九年甲寅丁憂奪情起復 賜御詩十

餘軸楮萬緡十年瑛題稱南京文武官員月支俸給每石月支米二斗品級高者稍足食用其七品以下支米數少各衙門雜職每月六斗委實艱難乞令南京七品以下官照在京添支後尼不行正統元年卒於官年六十二瑛於經史善講解其侍

宣宗每於帝王傳授心法與夫修齊治平切要之言漢唐以下人君行事可爲勸懲者必反覆敷陳之以是日見親厚先後賜賚攸多當起復入見時宣宗特出親製詩詞并緡錢二千錠賜之退而陳之語人曰古人云稽古之力予亦云然性寬厚喜愠不見待人接物一以真率爲本推讓賢能僚案協和平居嬉嬉然若無所介意以此人稱道之而亦嘉其遭際之爲盛云

殿學記云予觀國史謂瑛儀觀魁梧持已莊重文章政事非其所長予切惑焉夫渾朴多木強老成類遲鈍唆唆若不能言者藏辯於訥蹇蹇若無爲者晦巧於拙然則子玉若是班乎跡其所言豈其然乎

王英字時彥別號泉坡其先太原人祖宗達宋廼功郎仕於臨川遂家金谿登永樂甲申進士第時成祖方銳意育才命翰林學士解縉選進士穎秀者與狀元曾榮等通得如二十八宿之數俾盡讀文淵閣古今書作爲班馬韓柳歐蘇文字命大官日給珍饌月賜燈油之貲數召至便殿問以經史諸子故實或至抵暮方退英在二十八人之中每爲儕輩所推讓後

上以綸綽事重以英與王直皆慎密可並任揀入秘閣書進呈機
密奏疏歲戊子預修 太祖高皇帝實錄丁亥授翰林修撰扈
蹕巡狩北京丙申陞翰林侍讀戊戌 實錄成賜襲衣綵段鈔
錠壬寅胡寇犯邊二月 上親征命扈從至濶灤兒海五月旋
師過威虜鎮李陵城已四十里 上召諭曰聞李陵城有石碑
可往視之復遣錦衣衛官校隨之以行時城中被虜殺掠燒燬
一空惟城北門有石出尺餘掘出拭磨觀之額曰李陵臺驛令
謝君德政之碑其文可讀其陰刻達魯花赤等官姓名明日備
奏其故 上曰此碑旣鑄有韃靼姓名異日胡虜見之必以此
地爲已物爾宜再往擊碎之用火煨沉之於河以絕其爭端英